



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

«05» ապրիլի 2019թ.

Ո Ր Ո Շ ՈՒ Մ No. 565/03 Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյան քննարկելով «ՋԻ ԷՍ ԸՔԱՌԻՆԹԻՆԳ ԸՆԴ ՔՈՆՍԱԼԹԻՆԳ» ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «ՋԻ ԷՍ ԸՔԱՌԻՆԹԻՆԳ ԸՆԴ ՔՈՆՍԱԼԹԻՆԳ» ՍՊԸ-ի (ՀՎՀՀ 02629478, հասցե՝ ք. Երևան, Չարենցի փ. 1, պետական գրանցման համար՝ 286.110.819758) չկատարված հարկային պարտավորությունը 05.03.2019 թվականի դրությամբ կազմել է 50.351.329 դրամ, որից ապառք՝ 30.742.100 դրամ, տույժ՝ 11.125.896 դրամ, տուգանք՝ 8.483.333 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի վերաբերյալ ծանուցագիրը՝ հարկ վճարողի կողմից հարկային մարմին ներկայացված էլեկտրոնային փոստի հասցեի բացակայության պարագայում, 07.03.2019 թվականին տեղադրվել է Հայաստանի Հանրապետության հրապարակային ծանուցումների պաշտոնական ինտերնետային կայքում, սակայն հարկ վճարողը չի ներկայացել վարույթի նյութերին ծանոթանալու համար և որևէ բացատրություն չի տվել:

Վերոնշյալ պարտավորության սոցիալական վճարի /ամսական/ տույժի գծով 7 դրամն և եկամտային հարկի տույժի գծով՝ 66 դրամն առաջացել են 2018 թվականի հոկտեմբեր ամսվա եկամտային հարկի և սոցիալական վճարի ամսական հաշվարկի նկատմամբ ՀՀ հարկային օրենսգրքի 401-րդ և «Կուտակային կենսաթոշակների մասին» ՀՀ օրենքի 71-րդ հոդվածների համաձայն հաշվարկված տույժերից, ինչը սույն որոշմամբ ենթակա չէ գանձման:

ՀՀ ԿԱ ՊԵԿ իրավաբանական վարչության պետի կողմից 22.08.2017 թվականին կայացվել է հարկ վճարողից ժամանակին չվճարված հարկային մարմնի կողմից վերահսկվող եկամուտների գծով վճարման ենթակա գումարը գանձելու մասին թիվ 903/03 որոշումն, որից ենթակա է գանձման շահութահարկի գծով 109.415 դրամն, որից ապառք՝ 94.170 դրամ, տույժ՝ 15.245 դրամ:

ՀՀ ԿԱ ՊԵԿ իրավաբանական վարչության պետի կողմից 06.10.2017 թվականին կայացվել է հարկ վճարողից ժամանակին չվճարված հարկային մարմնի կողմից վերահսկվող եկամուտների գծով վճարման ենթակա գումարը գանձելու մասին թիվ 1958/03 որոշումն, որից ենթակա է գանձման 2.214.764 դրամն, որից ԱԱՀ՝ 2.209.396 դրամ, որից ապառք՝ 1.804.638 դրամ, տույժ՝ 404.758 դրամ, շահութահարկի գծով 5368 դրամ տույժի գումար:

ՀՀ ՊԵԿ իրավաբանական վարչության պետի կողմից էլեկտրոնային համակարգի միջոցով 11.01.2019 թվականին կայացվել է չկատարված հարկային պարտավորությունները գանձելու մասին թիվ 1272-78 Ա որոշումը՝ 316.904 դրամ գանձելու վերաբերյալ, որից շահութահարկի գծով՝ 315.515 դրամ, որից ապառք՝ 314.572 դրամ, տույժ՝ 943 դրամ, եկամտային հարկի գծով՝ 1254 դրամ, որից ապառք՝ 1223 դրամ, տույժ՝ 31 դրամ, սոցիալական վճարի /ամսական/ գծով՝ 135 դրամ, որից ապառք՝ 132 դրամ, տույժ՝ 3 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 47.710.173 դրամ, որից

ԱԱՀ-ի գծով պարտավորությունը կազմում է 47.638.249 դրամ, որից ապառք՝ 28.484.249 դրամ, տույժ՝ 10.670.667 դրամ, տուգանք՝ 8.483.333 դրամ, որն առաջացել է 2016 թվականի 2-րդ – 2017 թվականի 3-րդ եռամսյակի ԱԱՀ-ի ճշգրտված հաշվարկներից, իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածների համաձայն հաշվարկված տույժերից, ՀՀ հարկային օրենսգրքի 402-րդ հոդվածի համաձայն հաշվարկված տուգանքից,

շահութահարկի գծով պարտավորությունը կազմում է 71.924 դրամ, որից ապառք՝ 43.116 դրամ, տույժ՝ 28.808 դրամ, որն առաջացել է 2017 թվականի շահութահարկի տարեկան ճշգրտված հաշվարկից, իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածների համաձայն հաշվարկված տույժերից,

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 59, 88 հոդվածներով՝

Ո Ր Ո Շ Ե Ց Ի

1. «ՋԻ ԷՍ ԸՔԱՈՒՆԹԻՆԳ ԸՆԴ ՔՈՆՍԱԼԹԻՆԳ» ՍՊԸ-ից գանձել 47.710.173 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Handwritten signature in blue ink.

Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ բաժին,
գլխավոր մասնագետ Տաթևիկ Ազիզյան
հեռ. 011 54 91 91 (9168)